

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2796 del 04/10/2025

Manà fora su Trentino Tv l program l vegn endrezà dal Comun General de Fascia

“Pedies”: per en sabeda ai 4 de otober vegn fora la puntata #506 del program ladin per la televizion

[Ladino] Ence chesta setemèna l é a la leta l nef apuntament de “Pedies”, rotocalch ladin de informazion, ruà a la puntata n. 506.

I argomenc che porton dant te Pedies de chesta setemèna l é:

L Comun General de Fascia à tout pèrt a la Setemèna del Azet 2025 dal titol

“Desvalivanzas: comunanzas adum per na sozietà più giusta”.

La desvalivanza l'é pèrt de la comunanza e, tras chela, se pel se fèr n pensier fon per jir sorafora i limic e sostegnir l svilup de la persona. Per fèr fora chest argument l é stata endrezà trei evenc per picioi e gregn.

L'Azienda per l turism de Fascia, col didament de la sociazion no profit Patron, l à endrezà i CleanUp days. Firms, sociazions, scoles e duta la comunanza les é states envièdes a rencurèr e remonèr nosc raion.

L Forte de Somenda, dit ence Sperre Someda, l é n fabricat fat su anter l 1898 e l 1899 dal Imper de Autria Ungheria per renforzèr sie confins. L patron Mariano Felicetti Zompin e l president de la sociazion Sul fronte dei ricordi Livio Defrancesco ne contia sia storia.

Per la rubrica “Piates: Chel liber sun scancia” Maria Piccolin da Moena, che per n muie de egn l'à ret la biblioteca de paisc, la ne porta dant n liber che conta di paijes e de la jent de Fascia.

I reports de chesta setemèna i é stac enjigné e porté dant da Angela Pederiva e Riccardo Zanonèr.

Metù a jir col sostegn del Comun General de Fascia, de la Provinzia autonoma de Trent e de la Region autonoma Trentin – Südtirol, “Pedies” l va fora su **Trentino Tv – canal 10 Prov. de TN**- vigni sabeda da les 18.00 (sie da sera), de domenia da les 13.30 (mesa la does domesdi) e de lunesc da les 11.30 (mesa les doudesc).

L program ades l va fora ence sun **AltoAdige TV – canal 11 de BZ** - vigni domenia da les 18.00 (sie da sera).

Se pel veder duta la puntates ence sul canal YouTube de TV Ladina sot chest link:

<https://www.youtube.com/@TvLadina>

opuramenter se pel veder i servijes un a un su la piata Facebook de TV Ladina.

<https://www.facebook.com/TelevizionLadina>

Traduzion di Servijes Linguistics e Culturèi del Comun general de Fascia

(cdt)